

紅  
215

秘傳花鏡卷之五 月大

花直類歌

芍藥

鳳仙

芙蓉

水仙

荷包牡丹

芙蓉

虞美人

歌蘭

建蘭

澤蘭

長春花

紅豆蔻

蘭

芙蓉

印 二 14  
號 719  
卷

秘傳花鏡卷之五目次

花草類攷

芍藥 附譜

蕙蘭

簕蘭 附風蘭

水仙花

荷包牡丹

笑靨花

虞美人

歐蘭

建蘭 附譜

澤蘭

長春花

紅豆蔻

罌粟

蔓菁

花鏡

卷五 目次

青鸞花 指甲花

蝴蝶花 紫羅欄

山丹 書帶草

剪春羅 洛陽花

石竹花 白鮮花

王母珠 醒頭香

蜀葵 錦葵

向日葵 附菟葵 萱花

鹿葱 玉簪花

紫玉簪 桔梗

菖蒲 艾

夜合花 鳳仙花

紅藍 雨久花

荷花 附譜 地湧金蓮

鳧葵 茈菝

芙蓉 金 菱花

金燈花 山薊

階前草 烟花

夜落金錢

杜若

决明

一瓣蓮

滴滴金

胡麻

藍

秋海棠

素馨

金線草

秋牡丹

剪秋紗

小茴香

薺芫

青栢

秋葵

雞冠

十樣錦

老少年

雁來黃

曼陀羅

菊花 附譜

藍菊

萬壽菊

僧鞋菊

西番菊

扶桑菊

雙鸞菊

孩兒菊

蘭

白芷

零陵香

蘼蕪

芭蕉

美人蕉

千日紅

香菜

紫

蓼花

蘆花

馥草

番椒

綿花

禁官花

蒼草

細辛花

通草花

菟蘇

吉祥草

白薇

商草

萬年青

千兩金

秘傳花鏡卷之五

西湖花隱陳湜子訂輯

花草類攷

喬木非百年不能蒼古草花不兩月便可敷  
榮是編所載非取香濃即取色麗各有所長  
可佐園林之不逮大槩色香俱無者不錄

芍藥

芍藥古名將離因人將離別下一名餘容又名婪尾春  
惟廣陵者為天下最近日四方競尚俱有美種佳花

不金 卷五  
矣。春生紅芽作叢莖上三枝五葉似牡丹而狹長初  
夏開花有紅紫黃白數色但巧立名目約百種今特  
細釋其十分之八以附於後其本有二種草芍藥木  
芍藥木者花大而色深俗呼爲牡丹非也安期生服  
鍊法云金芍藥色白多脉木芍藥多紫瘦多脉園林  
中苟植得宜則花之盛更過於牡丹大抵花初發時  
人多愛惜勤於澆灌之外多扶以竹篠使不傾側遮  
以葦箔令其耐久及花萎之後遂多棄而不論孰知  
其來年之盛衰全在乎此時須亟剪去其子屈盤其

枝條使不離散則生氣不上行而皆歸於根明春苗  
發必肥花色更麗至若分栽在八九月間開土悉出  
其根條以甘泉細摘其老梗朽敗之處揉調猪糞和  
泥易其故土而另植之從此灌溉不失其時來年之  
花未有不肥大者也其本無論好醜必三年一分不  
分恐舊根侵蝕其新芽苗遂不肥獨芍藥不宜春分  
移者蓋因諺云春分分芍藥到老不開花如欲攜根  
窠致遠須取本土貯之竹器內雖數千里可負而至  
矣大畧單瓣者其根可入藥在賞鑑家多不取焉

附芍藥釋名 共計八十八種

黃色 計十八品

御袍黃

色初深後淡葉疎而端肥碧

袁黃冠子

死如髻子間以金線出自袁姓

黃都勝

葉肥綠花正黃千瓣有樓子

道粧成

大瓣中有深黃小瓣上又展出大瓣

金帶圍

上下葉紅中則間以數十黃瓣

縷金囊

大瓣中於細瓣下抽金線細細雜條

峽石黃

如金線冠子其色深似鮑黃

妬鶯黃

大小瓣間雜中抽出金線高條葉柔

鮑家黃

與大旋心同而葉差不旋

黃樓子

盛者葉五七層間以金線其香尤甚

御愛黃

色淡黃花似牡丹而大

二色黃

一帶生二花兩相背而開但難得

怨春粧

淡黃色千葉平頭

青苗黃

千葉樓子淡黃色內係青心

黃金鼎

色深黃而瓣最緊

蘸金香

千葉樓子老黃色而多香味

楊家黃

似楊花冠子而色深黃

尹家黃

同上因入之姓得名

深紅色 計二十五品

冠群芳

大旋心冠子深紅堆葉頂分四五旋其英密簇廣及半尺高可六寸艷色絕倫

盡天工

大葉中小葉密直心柳青色

賽群芳

小旋心冠子漸漸添紅而花緊密

醉嬌紅

小旋心中抽出大葉下有金線

簇紅絲

大葉中有一簇紅絲細細而出者

龍池紅

花似軟條開皆並萼或三頭

擬繡鞦

兩邊垂下如所乘鞍子狀喜大肥

積嬌紅

千葉如紫樓子色初淡而後紅

楊花冠子

心白色黃紅至葉端則又深紅

紅纈子

淺紅纈中又有深紅點

試濃粧

緋葉五七重平頭條赤絲葉硬背紫



赤城標 千葉大紅花 有高樓子 湖縵子 紅色深淺相間 雜而開喜肥

蓮花紅 平頭瓣尖 似蓮花 會三英 一萼中有三花 並出最喜肥

紅都勝 多葉冠子 最喜肥 點粧紅 子色紅而小與白縵 子同綠葉微瘦長

綴蓋紅 蓋初深紅及 後漸淡 髻子紅 花頭圓滿而高 起有如髻子

緋子紅 花絳色平 頭而大 駢枝紅 一帶上有 兩花並出

宮錦紅 紅黃白色 相間者 柳浦紅 千葉冠子因 產之地得名

硃砂紅 色正紅花 不甚大 海棠紅 重葉黃心 出蜀中

粉紅色 計十七品 醉西施 大瓣旋心枝條 軟細須以杖扶 淡粧勻 似紅縵子而紛紅 無點縵花之中品

怨春紅 色最淡而葉堆 起似金線冠子 妬嬌紅 起樓但心中細葉 不堆上無大瓣

合歡芳 雙頭並蒂二花 相背而齊開 素粧殘 初開粉紅以漸退 白心青淡雅有致

取次粧 平頭而多葉 其色最淡 效殷紅 矮小而多葉若 土肥則易變

倚欄嬌 條軟而 色媚 紅寶相 似寶相 薔薇 瑞蓮紅 頭微垂 似蓮花

霓裳紅 多葉 大花 龜地紅 平頭 多葉 芳山紅 以地得 名者

沔池紅 花類軟 條須扶 紅旋心 花繁密 而心紅 觀音面 似寶相 而嬌艷

紫色 計十四品

寶粧成 色微紫有十二大葉中密生曲葉同裏圓 抱高八寸廣半尺小葉上有金線獨香

凝香英 有樓心中細葉 上不堪大瓣 宿粧殷 平頭而枝瓣絕高 大類緋多葉而整

聚香絲

大葉中一叢紫絲細細而高出

蘇金香

大葉中生小葉而小葉尖離一金線

墨紫樓

其色深紫而有似乎墨

疊英香

大葉中細葉片重上又聳大葉起臺

包金紫

蓋金色而花紫

紫都勝

多葉有樓子

紫鱗盤

平頭而花大方

金繫腰

即紫袍金帶

紫雲裁

葉疎而花大方

小紫毬

短葉圓花如毬

多葉鞍子

瓣兩垂似馬鞍

白色 計十四品

曉粧新

花如小旋心頂上四向葉端有股紅小點每朵上或三五點像衣中點額白花上品

銀含梭

花銀綠葉端有稜純白色

菊香瓊

青心玉板冠子白英團掬堅密平頭

試梅粧

白緜中無點額者即白冠子

蓮香白

多葉濶瓣香有似于蓮花喜肥

玉冠子

千葉而高起

玉版額

額中皆有點

玉逍遙

花疏而葉大宜肥

覆玉瑕

葉緊而有點

玉盤盃

單葉而長瓣

壽州青苗

色帶微青

粉綠子

微有紅暈在心

鎮淮南

大葉冠子

軟條冠子

多葉而枝柔

以上共八十八種。各色皆昔人譜中所載多有雷同已皆刪去。然或有耳目所不及辨者以待後之博雅自別之可也。

甌蘭

ハクリ

甌蘭一名報春先。多生南浙陰地山谷間。葉細而長。四時嘗青。秋發莖。冬盡春初開花。有紫莖。玉莖。青莖。

者。一莖一花。其紫花黃心。白花紫心者。酷似建蘭而香尤甚。盆種之。清芬可供一月。故江南以蘭為香祖。若欲移植。必須帶土厚墩。方能常盛。種宜黃砂土。用羊鹿尿和水澆。若遇暑月。須每早澆以冷茶。嘗移盆四面晒。則四面有花。冬月當藏暖處。經霜雪。恐凍傷其莖。然較建蘭入窖。則不必也。又一種葉較蘭稍潤而柔。花開紫白者。名蓀。凡花開久。香盡。即當連莖剪去。勿令結子。恐耗氣奪力。則來年花不繁也。

### 蕙蘭

蕙蘭。一名九節蘭。葉同歐蘭。稍長而勁。一莖發八九花。其形似歐蘭而瘦。即香味亦不及焉。但後歐蘭而開。猶可繼。武歐蘭。先建蘭而放。聊堪接續。建蘭則一歲芳香。半牕清供。可以綿綿不絕矣。其澆壅之法。亦同歐蘭。

### 建蘭

建蘭。產自福建。而花之名目甚多。或以形色。或以地里。或以姓氏。得名俱詳。後譜內。其花五六月放。一幹九花。香馥幽異。葉似歐蘭。而澗大勁直。凡蘭皆有一

滴露珠在花莖間謂之蘭膏雖美不可多取恐損本  
 花若年久苗盛盈盆至秋分後可分種泥須黃土預  
 用楷蕨艸火將泥煨過方用分時勿惜小費必擊碎  
 其盆將竹刀先剔去其旁土緩緩解折其交結之根  
 毋使有接斷之失然後逐窠取出積年腐蘆頭方  
 用新盆先將瓦片填底後以煉過土覆上即將三窠  
 藪之互相枕籍作三方向而種之上覆瘦沙泥少許  
 澆清水一勺以定其根蘭根香甜蟻最喜食多做窠  
 其下以至根傷葉瘁須置一淺盆坐水使蟻不能渡

若葉上生黃白斑點謂之蘭虱用魚腥水酒之或研  
 大蒜和水或蚌水以白筆蘸之拂洗葉上數次則虱  
 自無矣若梅雨連朝則水太多一遇烈日熱蒸則根  
 必爛須移陰處養蘭訣云春不出無霜雪冷夏不日  
最忌炎秋不乾多澆肥水冬不溼宜藏暖室其法盡  
蒸烈日或豆汁或土坑內之矣

附蘭花釋名

共計三十五品

紫花 計十七品

金稜邊

花豐腴而嬌媚每幹十二萼色同吳蘭妙  
 在葉白尖上生黃線直下如金絲喜肥

陳夢良 每幹十二萼花頭極大為紫花之冠不喜

吳蘭 深紫色有多至十五萼者葉亦高勁若善養

潘花 十五萼幹紫而整疎密得宜葉差小而花中

何蘭 十四萼紫色中紅仙霞花似潘種因產

大張青 莖青花大肥趙師傅十五萼初萌甚紅

蒲統領 花之中品也喜都梁紫莖綠花產自都梁

淳監糧 宜粗赤沙土種許景初花不過何首座

林仲孔 皆蘭之常品也莊觀成名因其蕭仲初皆花之

又朱蘭 花莖俱紅短葉婀娜一幹九萼乃粵種也

白花 計十八品

濟老 一幹十二萼標致不凡葉似天施而更高三

碧玉幹 花雖白微帶黃有十五萼合并幹而生

惠知客 十五萼花英淡紫片尾凝黃葉雖綠

馬大同 色碧而綠有十二萼花頭微大間有向

綠衣郎 一名龜山色如碧玉十五萼每生並蒂花

魚鮓 十二萼花片澄澈宛如魚鮓採沉水中無

玉整花 葉修長而瘦色甚瑩白可愛白花之最能

黃八兄 似鄭花十二萼善于抽幹葉綠而直惜幹

周染有十二莖狀同黃花但其幹短弱用溝中黑沙泥和糞種之則茂亦中品也

名弟花只有五六莖葉最柔軟如新長葉後則舊葉隨換人多不取重者

李通判花類鄭蘭有二十天施和泥晒州鞋履圍種

玉小娘花只六莖葉亦瘦弱乃下品也觀堂主七莖花聚如一簇

又夕陽紅八莖花色淺紅如夕陽返照青蒲六莖亦非佳品

四季蘭葉長勁蒼翠幹青微紫花白質紫紋自夏至秋相繼而發冬亦偶開但不如夏蘭盛

箬蘭附風蘭

箬蘭亦名朱蘭實非蘭也因其花形似蘭葉短潤似箬色如渥丹故有是名毫無香氣徒具芳名乃粵種

也。今杭紹亦有之。後歐蘭而發。盆玩中亦不可無此

點綴。分種即在花開春雨時。性喜陰濕。又一種風蘭

產自浙之溫台。懸根而生。本小而葉最短勁。有類瓦

松。不用砂土。種植。惟取小竹籃。以婦人頭髮及銅鐵

絲。觀之。貯其大窠。懸於有露無日處。每日洒水。或冷

茶澆。或取下水中浸溼。再挂。夏初開小白花。將萎時

其色轉黃。而香頗類乎蘭。亦一小景中之奇者也。但

怕烟燼所觸。

澤蘭三日子

澤蘭生大澤旁以其葉似蘭故名澤蘭二月生苗長二三尺根紫黑色莖幹青紫色作四稜葉生相對如薄荷而微香七月開花帶紫白色萼亦色紫可入藥用。

水仙

水仙一名金盞銀臺因其性喜水故名水仙冬季於葉中抽出一莖頂上有數莖兩兩層次而開白瓣中有黃心如盞葉如萱艸而短其根似蒜頭外有赤皮裹之有單葉于葉二種單葉者名水仙其清香經月

不散于葉者名玉玲瓏其花綴下輕黃而上淡白不作盃狀因其難得人多重之但種不得法徒葉無花昔人種訣云五月不在土掘起以童尿浸六月不在房懸近竈房煖處栽向東籬下八九月間復種用猪屎拌土壅花開久且芳凡種須沃壤日以肥水澆則花自盛其葉止生三四片者無花至五片者方有花如五六月不掘起浸吊宿根在肥土內亦旺但葉長花短不甚可觀若於十一月間用木盆密排其根少着沙石實其罅時以微水潤之日晒夜藏使不見土則花頭高出於葉如不

起土。冬月必須遮護。使不見霜雪。遇日即開。晒之。凡起種。須用竹杆。若犯鐵器。則永不開花。一槩花木。最畏鹹水。惟梅花與水仙。插瓶宜鹹水養。拂林國有紅水仙。花開六出。亦異品也。又拘樓國有水仙樹。其樹腹中有甜水。謂之仙漿。其人飲之者。一醉可以七日。皆異聞也。

長春花

キンセンカハ

長春花。一名金盞草。江浙頗多。蔓生。籬落間。葉似柳而厚。抱莖對生。莖上開花。金黃色。狀如盞子。有色無

香。但喜其四時不絕。結實如雞豆子。其中細子。每粒如尺蠖蟠曲形。子落地隨出不煩分栽。但肥多。易長。花麗若結實。即摘去。則花不間斷。性不喜溼。近亦有白花種。若冬能保護。霜雪不侵。其葉不壞。則老幹來春仍開不絕。

荷包牡丹

ケシサワ

荷包牡丹。一名魚兒牡丹。以其葉類牡丹。花似荷包。亦以二月開。因是得名。一幹十餘朵。纍纍相比。枝不能勝。壓而下垂。若俛首然。以次而開。色最嬌艷。根可



分栽若肥多則花更茂而鮮黃梅雨時亦可扞活

紅豆蔻

紅豆蔻嶺南多有之其苗似蘆葉類山薑一三月發花作穗房生於莖下嫩葉卷之而生初如芙蓉花微紅穗頭色畧深其葉漸廣則其花漸出漸淡亦有黃白色者子若紅豆而圓

笑靨花 コメハチ

笑靨一名御馬鞭叢生一條千花其細如豆茂者數十條望若堆雪不結實將原根劈作數墩二月中旬

分種易活宜糞

罌粟花 ケシ

罌粟一名御米一名賽牡丹一名錦被花種具數色有深紅粉紅白紫者有白質而絳唇者丹衣而素純者殷如染茜者紫如茄色者多植數百本則五彩雜陳錦繡奪目葉似筒蒿其邊屈曲多尖一三月抽臺結一青苞花發則苞脫罌在花中鬚莖裏之結實如小蓮房一囊千粒下種須中秋午時或重陽日赤體持種兩手交換撒子則花生重臺再以竹箒掃勻花

開多千葉未種前須糞地極肥鬆後以釜底烟煤拌撒用細泥蓋之可免蟻食待苗出後始澆清糞其繁密者食之長則以竹篠扶之若土瘠種遲多變為單葉矣如春間移栽必不能茂單葉者子必滿千葉者罌多空故蒔花者貴千葉作蔬入藥者不論收鴉片者於青苞時午後以針刺十數眼次早其苞上精液自眼中出用竹刀收貯瓷器內將紙封固曝二七日即成鴉片矣入藥用以瀉精昔蘇子由廣植作蔬詩云畦夫告予罌粟可儲罌小如罌粟細如粟苗堪當肉則其功用如此。

虞美人

ビシヤウ

虞美人原名麗春一名百般嬌一名蝴蝶滿園春皆美其名而贊之也江浙最多叢生花葉類罌粟而小一本有數十花莖細而有毛一葉在莖端兩葉在莖之半相對而生發莖頭垂下花開始直單瓣叢心五色俱備姿態蔥秀嘗因風飛舞儼如蝶翅扇動亦花中之妙品人多有題咏種法在八月望前下子于肥

土內上用灰蓋冬月糞澆若肥壅得法則來年開出千葉異色者更佳少留子則花發多花時忌糞花後再糞又開但千葉不易多得。

蔓菁 カブラ

蔓菁一名葇一名九英松又名諸葛菜莖粗葉大而厚潤夏初起臺開紫花四出而繁結莢如芥子勻圓亦似芥子紫赤根長而白形似蘿蔔在北地則有之四時皆可食春食苗夏食心秋食莖冬食根秋間撒子於高壟沙土中或故墟壞墻上再覆以一指厚土五六日

一澆性獨喜霜交春即發苗連地上生春初種亦可但欲移植俟苗長五六寸擇其大者而移之子用鰻魚汁浸之復曝乾種可無蟲患昔諸葛孔明行軍所止處令士卒隨地栽之人馬皆得食焉。

青鸞花

青鸞一名紫鸞春分種至秋開青紫色花似牽牛冬須藏向日之所若土燥則以冷茶稍潤其根來春自茂

指甲花

花

青鸞

指甲

三

指甲花。杭州諸山中多有之。花如木樨。蜜色而香甚。中多鬚蕊。可染指甲。而紅過於鳳仙。用山上移栽盆內。方活。亦有紅紫黃白數色者。而花之千態萬狀。四時不絕。

蝴蝶花 シヤカ

蝴蝶花類。射干一名烏裏。音葉如蒲而短濶。其花六出。儼若蝶狀。黃瓣上有赤色細點。白瓣上有黃赤細點。中抽一心。心外黃鬚三莖。繞之。春末開花。多不結實。至秋分種。高處易活。壅以雞糞則肥。

紫羅欄 イチハツ

紫羅欄。俗名墻頭草。一名高良姜。葉似蝴蝶草。而更濶嫩。四月中發花。青蓮色。其瓣亦類蝴蝶花。大而起臺。紫翠奪目。可愛。秋分後分栽。性喜高阜。墻頭種則易茂。

山丹花 ヒメユリ

山丹一名渥丹。一名重邁。根葉似夜合。而細小花色朱紅。諸卉莫及。茂者一幹三四花。不但不香。而且更夕。即謝相繼。只數日。性與百合同。又有黃白二色。世

稱奇種。須在春時分種。亦結小子。極喜澆肥。雞糞更妙。又有一種番山丹。根葉類百合。紅花黑斑。根味苦。易生。乃賤品也。

書帶草

書帶草一名秀墩草。叢生一團。葉如韭而更細長。性柔。初色翠綠鮮潤。出山東淄川。鄭康成讀書處。近今江浙皆有。植之庭砌。蓬蓬四垂。頗堪清玩。若以細泥常加其中。則層次生高。真如秀墩可愛。

剪春羅

カニヒ

剪春羅一名剪紅羅。一名碎剪羅。二月生苗。高一二尺。葉如冬青而小。攢枝而上。入夏每一莖開一花。六出。緋紅色。周迴茸茸。類剪刀痕。但有色無香。不若剪秋紗之鮮麗。更可愛也。結實如豆。大內有細子可種。宿根亦可分栽。

洛陽花

ナゲミコ  
ヤマトナゲミコ

洛陽花一名蓬麥。葉似石竹。叢生有節。高一二尺。花出枝杪。木柔而繁。五色俱備。又有紅紫斑斕者。植令苗頭無長短。諸色間之。開成片錦。饒有雅趣。將開如

卷旗以漸舒展嘗以正午開至晚則卷明日復舒頻摘去子則花開不絕有小黑子可種根亦可分大約土肥根潤則變色肯開但枝蔓柔脆須用細竹杆扶之

石竹花 カクテキ

石竹一名石菊又名繡竹枝葉如茗纖細而青翠夏開花紅赤深紫數色千葉如剪茸結子細黑向陽喜肥每年起根分種方茂但枝條柔弱易至散漫須以小竹枝扶之花開亦耐久而惜不香若能使霜雪不

侵其幹若漸老亦可作盆景分枝杆插皆活

白鮮花

白鮮一名白羶一名金雀兒椒生上谷及江南苗高尺餘莖青葉梢白似茱萸夏月開花淡紫色類小蜀葵根如蔓青皮黃白而心實嫩苗可為菜茹

王母珠 ホツキ

王母珠一名酸漿一名苦葳俗名燈籠草所在有之苗似水茄而小根長二三尺五月開小白花於葉極結子外有青殼薄衣為草熟則深紅儼若燈籠深秋

穀當  
作殼

殼內子紅老若珊瑚珠去衣看子更佳分根栽亦可  
醒頭香

醒頭香一名辟汗草出自江浙開細小黃花有似魚  
子蘭而香劣不及夏月汗氣婦女取置髮中則次日  
香燥可梳且能助枕上幽香

蜀葵 オホアフリ

蜀葵陽艸也一名戎葵一名衛足葵言其傾葉向日  
不令照其根也來自西蜀今皆有之葉似桐大而尖  
花似木槿而大從根至頂次第開出單瓣者多若干

葉五心重臺剪絨鋸口者雖有而難得若栽於向陽  
肥地不時澆灌則花生奇態而色有大紅粉紅深紫  
淺紫純白墨色之異好事者多雜種於園林開如繡  
錦奪目八月下種十月移栽宿根亦發嫩苗可食當  
年下子者無花其楷漚水中一二日取皮作線可以  
為布枯梗燒作灰藏火耐久不滅

錦葵 セニアフリ

錦葵一名錢葵一名葭叢生葉如葵而莖長六七尺  
花綴於枝單瓣小如錢色粉紅上有紫縷紋開最繁

而久。緣肥紅瘦之際不可無此麗質點染也。下子分栽俱與葵同。

向日葵 附菟葵

向日葵一名西番葵。高一二丈。葉大於蜀葵。尖狹多刻缺。六月開花。每幹頂上只一花。黃瓣大心。其形如盤。隨太陽回轉。如日東昇則花朝東。日中天則花直朝上。日西沉則花朝西。結子最繁。狀如草蓀子而扁。只堪備員。無大意味。但取其隨日之異耳。又一種名菟葵。一名天葵。多生於下澤。苗如石龍芮而葉綠如

黃葵。花似拒霜白而雅。其形至小。如初開單葉蜀葵有檀心。色如牡丹之姚黃。可愛人多採莖葉灼之可食。

萱花 又名忘憂

萱花通作蕙。一名宜男。一名忘憂。種宜下濕地。長苞叢生。莖無附枝。繁莖攢連。葉弱四垂。花初發如黃鵠嘴。開則六出色黃微帶紅暈。朝放暮薦。有三種。一千葉夏開。其枝柔不結子。一單葉後開。其枝勁結子。子圓而黑。俗名石蘭。又一種色如蜜者。花差小而香清。



葉細。可作高齋清供。但不易開。須用肥土。加意培植。之。此艸地廣者。不可不多種。春苗可食。夏花亦可茹。惟千葉紅花者。不可用食之。殺人婦人懷娠。若佩此花。多生男兒。雨中分勾。萌種之初。稀排。一年後自然稠密。或用根向上。葉向下。種之。則出苗最盛。亦有秋開者。但不可多得。今東人採其花。附乾而貨之。名爲黃花菜。

鹿葱

鹿葱色頗類萱。但無香耳。因鹿喜食。故名。但萱葉尖

長。鹿葱葉團而翠綠。萱葉與花同茂。鹿葱葉枯死。而後花萱一莖實心。而花五六朵。從節開。鹿葱一莖虛心。而五六朵。並開於頂。萱六瓣。而鹿葱七八瓣。多以肥澆。則其花逐苗皆盛。

玉簪花

カウライギホウシ

玉簪花一名白萼。二月生。苗成叢。葉大如小團扇。七月初抽莖。莖有細葉十餘。每葉出花一朵。花未開時。其形如玉搔頭。簪潔白如玉。開時微綻。四出。中吐黃蕊。七鬚環列。一鬚獨長。香甜襲人。朝開幕卷。間或結

黑子根連如射于春初須去其老根移種肥地則花  
多而茂分時忌鐵器性好水盆石中尤宜其花瓣入  
少糖霜煎食香美可口又法取將開玉簪裝鉛粉在  
內以線縛其口令乾婦人用以傅面經宿尚香根不  
可入口最能爛牙齒

紫玉簪 ギボウシ

紫玉簪葉上黃綠間道而生比白者差小花亦小而  
無香先白玉簪一月而開性亦喜水宜肥盆栽皆可  
但不及玉簪之香甜可愛根亦最毒

桔梗

桔梗生嵩山宛旬春生苗葉高尺餘邊有齒似棣棠  
相對而生夏開花青紫色有似牽牛秋後結實根可  
入藥用

菖蒲

菖蒲一名菖歎一名菖菲生于池澤者泥菖也生于  
溪澗者水菖也生水石之間者石菖也葉青長如蒲  
蘭有高至二三尺者葉中有脊其狀如劍又名水劍  
其根盤曲多節亦有一寸十二節至二十四節者仙

家所珍。惟石菖蒲入藥品之佳者有六。金錢、牛頂、虎鬚、劍脊、香苗、臺蒲。凡盆種作清供者，多用金錢、虎鬚、香苗三種。性喜陰濕，總之用沙石植者，葉細。泥土植者，葉粗。其法在夏初以竹剪修淨，取細沙或瓦屑密種，深水蓄之，勿令見日。秋初再剪，不染塵垢及犯油膩。并猶喫水，則葉青翠細軟如絲。尤畏熱手撫摩，宜作一綿捲小杖，時挹其葉。霜降後須收藏密室，或以缸蓋之。至春後始出，不見風雪。歲久不分，便細密可愛。若石上種者，尤宜洗淨，常澆雨水，勿見風烟。夜移

就露日出，即收。如患葉黃，壅以鼠糞，或蝙蝠屎，用水洒之。若欲苗直，以綿裹筋頭，每朝將之。又一種生下濕而葉無脊，根粗大如指者，名昌陽。肥則開花結子，候子老收之。至梅雨時，用米飯同子嚼碎，噴於大炭上，則子自然生。苗必細，極不煩剪。昔人種訣云：春運出，春分夏不惜。四月十四，菖蒲生日，用竹剪去淨，自生不愛惜。秋水深，深冬藏密，須藏密室。又忌訣云：添水不換水，添者慮其乾，見天不見日，見日恐焦枯。宜剪不宜分，頻剪則細，或逐多則浸，根不浸，葉浸，葉則爛。其法盡之矣。此皆為盆

玩而言。若入藥用，不必如此調護也。燈前置一盆，可收燈烟，使不薰眼。蒲花人食之，可以長年。然不易得。昔蘇子由盆中菖蒲，忽開九花。人以為瑞。蒲之根白，節疏者，可作菹。俗於端陽午時，和雄黃，搗碎，下酒飲，謂之蒲節酒。

艾 ヨモギ

艾。一名冰臺。一名醫艸。隨在有之。以蘄州者為佳。二月宿根生苗，成叢。其莖直生，白色，高四五尺。其葉四布，狀如蒿，分五尖，極上復有小尖。面青，背白，有茸而

柔厚。七八月葉間出穗，如車前穗。細花結實盈枝。中有細子，霜後始枯。人多於五月五日，連莖刈取，暴乾，收葉陳久，灸疾，或揉作印色胎。

夜合花 ササユリ

夜合。一名摩羅春。一名百合苗。高二三尺，葉細而長，四面攢枝而上。至抄始著花。四五月開，密色紫心。花之香味最濃。日舒夜斂。花大頭重，常傾側。連莖如玉手爐狀。又名天香。根如山丹，而肥大倍之。百瓣緊，裹而合，儼似白齒。苔味甘，可餐。一種名麝香花類。天香

短而葉繁開於四月。天香開於六月之不同。又一種如萱花。紅質黑點似虎斑。而瓣俱反捲。一葉極生一子。俗名回頭見子。茂者一幹兩三花。無香賤品。其根與百合同。但味苦不堪食。百合一年一起。其大者剝取外瓣煮食。留內小心。仍用肥土排種。則春發如故。壅以鷄糞。則盛。亦須頻澆肥水。

鳳仙花

ツマクレーキ

鳳仙花。一名小桃紅。一名海納。一名早珍珠。又名菊婢。葉似桃。而有鉅齒。莖大如指。中空而脆。花形宛如

飛鳳。頭翅尾足俱全。故名金鳳。有重葉單葉。大紅粉紅。深紫淺紫白碧之異。又有白質紅點。色如凝血。俗名洒金。諸色相間。而植開時亦稍可觀。有一枝開五色者。但不可多得。每花開一落。即去其蒂。則開之不已。與月季同法。其子老微動。即裂。俗名急性子。庖人煮肉物。著二三粒。即爛。苗可為筆。根可入藥。白花可浸酒。飲可調經。紅花同根。着明礬少許。搗爛。能糟骨角。變絳色。染指甲。鮮紅。取紅花。搗爛。煮犀。色如蠟。可克舊犀。但初煮出。忌見風。見風即裂。二月下種。五

月開花子落地復生。又能作花。即冬月嚴寒。種之火。炕亦生。乃賤品也。

紅藍 クレア井

紅藍一名黃藍。以其葉似藍也。生於西域。張騫帶歸。今處處有之。春種時必候雨。或漫撒。或行壟。用灰與雞糞蓋之。後澆以清糞水。四月花開。藥出。採上。花下作椽。彙多刺。侵晨須多人採摘。採已復摘。微搗去黃汁。用青蒿蓋一宿。捻成薄餅。晒乾收用。五月收子。便種。晚花。至八月及臘月。又可種。但花園中。或種一二。

不過取其備員而已。

雨久花

雨久花。苗生水中。葉似苳菰。夏月開花。似牽牛。而色深藍。亦水藻中之不可少者。

荷花 ハチス

荷花。總名芙蓉。一名水芝。其莖曰菡萏。結實曰蓮房。子曰蓮子。葉曰蓮。其根曰藕。應月而生。遇閏則十三節。每節間一葉一花。花開至午。復斂。有花即有實。花謝則房見。房成則實見。蓮子曰蒨。蒨中名薏。葉圓如

蓋而色青其花名甚多另譜於後尋常紅白者凡有水澤處皆植之每有奇種人家多用缸植其法驚蟄後先取地泥築實缸底再將河泥平舖其上候日晒開拆如雨則蓋之直至春分將藕秧疎種枝頭向南以猪毛少許安在節間再用肥泥壅好勿露仍如前候晒開拆方貯河水平缸則花自盛一云取酒甕頭泥種即開花最畏桐油夏不失水冬不結凍則來春秧肥花盛種蓮子法將老蓮實裝入卵殼中令雞母同子抱候子雞出取天門冬搗末和泥安置盆內將

蓮實摩穿其頭種之花開如錢大亦一弄巧之道也或云春分前種一日花在葉上春分後種一日葉在花下春分日種則花葉兩平昔昭帝時穿琳池植分枝荷花食之令人口气嘗香六月二十四荷花生日

附蓮花釋名

花名 計二十二品

分香蓮 產釣仙池一歲再結為蓮之最 四面蓮 色紅一蒂千瓣如

低光蓮 生穿林池二枝 並頭蓮 紅白俱有一幹兩花能傷別花宜獨

重臺蓮 花放後房中眼 四季蓮 儋州產四季開花不絕冬月尤盛

朝日蓮

紅花亦如葵花之向太陽也

睡蓮

花布葉間晝開夜縮入水次日復起生南海

衣鉢蓮

花盤千葉蓋分三色產真池

金蓮

花不甚大而色深黃產九疑山澗中

錦邊蓮

白花每瓣邊上有線紅暈或黃暈

夜舒蓮

漢時有一莖四蓮其葉夜舒晝卷

十丈蓮

清源所生百餘尺聳出峯頭

藕合蓮

千葉大花紅色中微帶青暈

碧蓮花

千葉叢生香濃而藕勝

黃蓮花

色淡黃而香甚其種出永州半山

品字蓮

一帶三花開如品字不結實

百子蓮

出蕪州府學前其花極大房生百子

佛座蓮

花有千葉皆短而不甚高過房

千葉蓮

生華山頂池內人服之羽化

碧臺蓮

白瓣上有翠點房內復抽綠葉

紫荷花

花似辛夷而色紫亦異種也

地湧金蓮

地湧金蓮。葉如芋。生平地上。花開如蓮。瓣內有一

小黃心。幽香可愛。色狀甚奇。但最難開。

鳧葵

鳧葵一名荇菜。一名金蓮花。處處池澤有之。葉紫赤

色。形似萼而微尖。長徑寸餘。浮於水面。莖白色。根大

如釵股。長短隨水淺深。夏月開黃花。亦有白花者。實

如棠梨。中有細子。入藥用。

芡菰

芡菰一名剪刀草。葉有兩岐如燕尾。又似剪。一窠花



挺一枝上開數十小白花瓣四出而不香。生陂池中。苗之高大比於荷蒲。一莖有十二實。歲閏則增一實。似芋而小。至冬煮食清香。但味微帶苦。不及鳧茨性喜肥。或糞或荳餅皆可下肥。則實大。

芡 オニス

芡一名雞頭。一名雁喙。一名蓀子。葉似荷而大。上有感刺如沸面青。背紫。莖葉皆有芒刺。平鋪水上。五六月開紫花。花下結房。有刺如蝟。上有嘴如雞雁頭狀。實藏其中。去殼肉圓白如珠。秋間收老子。以蒲包包

浸水中。二三月撒淺水中。待葉浮面上。方可移栽。深水芡花小。而向日開。同葵之性。種法用麻豆餅屑。拌勻河泥。植下。則易盛。其實惟蕪杭出者。殼軟薄。而肉糯。且大。味極腴美。他處者。止堪收作芡實。糝粉食。入藥用。

菱花 ヒシ

菱一名薺。薺與菱本一類。但其實之角有不同。四角三角曰菱。兩角曰菱。又兩角而小曰沙角。其葉似荇。扁而有尖。光面如鏡。一莖一葉。兩兩相差如蝶翅狀。

蕘生成團。花有黃白二色。背日而開。晝舒夜斂。隨月轉移。猶葵花之隨日也。實有紅綠二種。又有早出而鮮嫩者。名水紅菱。遲熟而甘肥者。名餽飽菱。種法重陽後收。最老者烏菱。至二月盡發芽。撒入水中。着泥即生。若有萍荇相雜。須速撈去。則菱出始茂。一種最小。而四角有刺者。曰刺菱。野生。非人所植。花紫色。人曝其實。以為菱米。可以點茶。池塘內若欲澆糞。用粗大毛竹打通其節。貯肥於內。注之水底。若以手種者。能令其實深入泥中。再灌以肥。未有不盛者也。昔漢昆明池有浮根菱。葉沒水下。菱出上。又玄都有雞翎菱。碧色狀如雞飛。仙人臯伯子嘗食之。

### 金燈花

金燈一名山慈菘。冬月生。葉似車前草。三月中枯。根即慈菘。深秋獨莖直上。末分數枝。一簇五朶。正紅色。光焰如金燈。又有黃金燈。粉紅紫碧五色者。銀燈色白。莖透出。即花。俗呼為忽地笑。花後發葉似水仙。皆蒲生。須分種。性喜陰肥。即栽於屋脚墻根。無風露處亦活。

山薊

ヨケラ

山薊一名白朮。生鄭山。漢中南嶽。浙杭山谷。春抽苗。青色無極。莖作蒿幹狀。青赤色。長二三尺。夏開紫碧。花或黃白色。似刺薊。根即白朮。春秋可採。暴乾入藥。

階前草

階前草一名忍冬。即麥門冬。所在有之。產吳地者。勝葉似韭而短。又如莎草。四時長青。其根黃白色。似麥而有鬚。花如紅蓼。實碧圓如珠。四月初取根。栽肥地。自茂。每於六七月及十一月。宜用糞澆。芸鋤。俟夏至。

後便可取根入藥。若以數莖植於階砌。亦青翠可觀。

烟花

タハコ

烟花一名淡把姑。初出海外。後傳種漳泉。今隨地有之。本似春不老。而葉大於菜。開紫白細花。葉老曝乾。細切如線。後美其名曰金絲烟。一名返魂烟。一名擔不歸。人喜其烟而呼之。雖至醉仆不怨。可以祛溼散寒。辟除瘴氣。但久服肺焦。非患隔。即吐紅。或吐黃水。而殞。抑且有病投藥不效。總宜少喫。

夜落金錢

ゴシク

夜落金錢一名子午花午間開花子時自落有二色  
 吳人呼紅者為金錢白者為銀錢葉類黃葵花生葉  
 間高僅尺許三月下子苗長三寸即當扶以小竹七  
 月開花結黑子種自外國進來今在處有之昔魚弘  
 以此賭賽謂得花勝得錢可為好之極矣白詩云能  
 買三秋景難供九府輸切當此花

杜若

杜若一名杜蓮一名山薑生武陵川澤今處處有之  
 葉似薑而有文理根似高良薑而細味極辛香又似  
 旋薑花根者真杜若也花黃子赤大如棘子中似豆  
 蔻今人以杜蘅亂之非以藍菊名之更非

决明

决明一名馬蹄决明俗名望江南隨處有之二月取  
 子畦種夏初生苗葉似苜蓿大而粗疎根帶紫色七  
 月開淡黃花間有紅白花晝開夜合者結角如細豆  
 莢子青綠而微銳一莢數十粒參差相連狀如馬蹄  
 可作酒藥并眼目藥或云取子一匙按令淨空心吞  
 之百日後夜可見光一種茫茫决明苗莖似馬蹄但

葉本小末尖似槐葉夜不合開深黃花子如黃葵而扁味甘滑其嫩苗及花角子皆可瀹茹但忌入茶若園圃中四旁多種決明則蛇不敢入

一瓣蓮

一瓣蓮一名早金蓮又名觀音草葉大如芋秋間開白花只一大瓣狀如蓮花其大瓣中花蕊遠視之頗類佛像故有觀音之稱

滴滴金 ヲグル

滴滴金一名旋覆花一名金沸草莖青而香葉尖長

而無梗高僅二三尺花色金黃千瓣最細凡二三層明黃色心乃深黃中有一點微綠者花小如錢亦有犬如折二錢者是所產之地肥瘠不同也自六月開至八月因花稍頭露滴入土即生新根故有滴滴金之名乃賤品也

胡麻

胡麻一名巨勝昔張騫自大宛得來故有胡之稱又云結實作角八稜者名巨勝六稜四稜者為胡麻一云胡麻即芝麻有遲早二種黑白赤三色秋開白花

亦有帶紫艷者節節結角長有寸許房大者子多若使夫婦同種即生而茂盛本事詩云胡麻好種無人種正是歸時君不歸又種時忌西南風不忌則悉變為草矣。

藍 ア井

藍乃染青之草南方俱有三月生苗高二三尺許葉似水蓼花紅白色實亦如蓼子而黑大其種有三大藍葉如萵苣出嶺南可入藥菘藍葉如槐可以為澱蓼藍但可染碧而不堪作澱下種後每早洒水至苗

長二寸許肥地打溝成行分栽每日必澆水五六次夏至前後看葉上有破紋方可收割凡五十斤用石灰一石缸內浸至次日已變黃色去梗用木爬打轉粉青色變至紫花色然後去水成靛矣。

秋海棠

秋海棠一名八月春為秋色中第一本矮而葉大背多紅絲如胭脂作界紋花四出以漸而開至末朶結鈴子生梗枝花之嬌冶柔媚真同美人倦粧性喜陰濕多見日色即瘁九月收子撒於盆內或墻下明春

自發。但老根過冬則花更盛。不必澆肥。其異種有黃白二色。俗傳昔有女子懷人不至。涕淚洒地。遂生此花。故色嬌如女面。名爲斷腸花。若花謝結子後。卽剪去。來年花發葉稀而盛。冬亦畏冷。地上須堆以艸。蓋之。獨昌州定州海棠有香。誠異品也。

素馨花

素馨花一名那悉茗花。俗名玉芙蓉。本高二三尺。葉大於桑而微臭。蟻喜聚其上。花似郁李而香艷過之。秋花之最美者。性畏寒喜肥。并殘茶不結實。自霜降後卽當護其根。來年便可分栽。黃雫時打亦可。廣州城西彌望皆種素馨。僞劉時美人墓。此至今花香甚於他處。

金線草

金線草俗名重陽柳。長不盈尺。莖紅葉圓。重陽時特發。枝條有細紅花。蘂蘂附於枝上。別自一種。風致一云卽蟹殼草。葉圓如蟹殼。節間有紅線條長尺許。生岩石上。或井池邊。性寒涼。能治湯火瘡。

秋牡丹

花鏡

金線

秋牡丹

三二日

秋牡丹亦名秋芍藥以其葉似二花故美其名也其  
花單葉似菊紫色黃心先菊而開嗅之其氣不佳故  
不為人所重春分後可移栽肥土即活

剪秋紗 ヒシヨウケ

剪秋紗一名漢宮秋葉似春羅而微深有尖八九月  
開花有大紅淺紅白三色花似春羅而瓣分數岐尖  
峭可愛其色更艷秋盡尤開喜陰不用大肥春分後  
分栽用肥土種清水澆不可曝於烈日中若下子種  
在二月中篩細泥鋪平摻子於上將稻草灰密蓋一

層河水細洒以濕透為度嫩秧防驟雨澆泥極能損  
壞苗葉又一種剪金羅金黃色花甚美艷

小茴香 イノンド

小茴香一名蒔蘿又曰慈謀勒葉細而雅夏月開花  
白而小八九月收子陰乾可作香料十月碎去枯稍  
隨以糞土壅根則來春自發便可分種若以子種三  
月初帶商麻子幾粒和以糞土於向陽地種之用以  
遮夏日則茴香易茂

薺芫花



齊菀一名利如。即桔梗也。花有紫白二色。春間下子。或分種皆可。壅以雞糞則茂。

青菹

クイトウ

青菹生田野間。本高三四尺。苗葉花實與雞冠花無異。但雞冠形狀有團扁尖長之異。此則稍間出花穗。長四五寸。形如兔尾。水紅色。亦有黃白色者。

秋葵花

トロアソヒ

秋葵一名黃蜀葵。俗呼側金盞花。似葵而非葵。葉岐出。有五尖。缺如龍爪。秋月開花。色淡黃如蜜。心深紫。

六瓣側開。淡雅堪觀。朝開暮落。結角如大拇指。而尖長。內有六稜子。極繁。冬收春種。以手高撒。則梗亦長大。

雞冠花

クイトウゲ

雞冠花一名波羅奢。隨處皆有。三月生。苗高者五六尺。其矮種只三寸長。而花可大如盤。有紅紫黃白豆綠五色。又有死央二色者。又紫白粉紅三色者。皆宛如雞冠之狀。扇面者。惟梢間一花最大。層層卷出。可愛。若掃帚雞冠。宜高而多頭。又名纓絡花。尖小而雜。

亂如帚。又有壽星雞冠。以矮爲貴者。雞冠似花非花。開最耐久。經霜始薦。俱收子種。撒下卽用糞澆。可免蟲食。

### 十樣錦

十樣錦一名錦西風。葉似莧而大。枝頭亂葉叢生。有紅紫黃綠相兼。因其色雜。出故名十樣錦。春分撒子於肥土中。蓋以毛灰。庶無蟻食之患。苗生後以雞糞壅之。長竹捍扶之。可過于牆。夏末卽有紅葉矣。大凡秋色其根入土最淺。俟苗長一二尺。卽宜土壅。兩過再壅。則無風傾之虞矣。

### 老少年

老少年一名雁來紅。初出似莧。其莖葉穗子與雞冠無異。至深秋本高六七尺。則腳葉深紫色。而頂葉大紅。鮮麗可愛。愈久愈妍。如花秋色之最佳者。又有一種少年老。則頂黃紅。而腳葉綠之別。收子時須記明色樣。則下子時。間雜而種。秋來五色眩目可觀。

### 雁來黃

雁來黃卽老少年之類。每於雁來之時。根下葉仍綠。

而頂上葉純黃其黃更光彩可愛非若老葉黃落者  
此收子下種法一如老少年以上數種秋色全在乎  
葉亦須加意培植扶持若使蜉蝣傷敗其葉便減風  
味矣。

曼陀羅

テウセニアカホ

曼陀羅產於北地春生夏長綠莖碧葉高二三尺八  
月開白花六瓣狀似牽牛而大朝開夜合結實圓而  
有丁拐中有小子又葉形似茄一名風茄兒子紫色  
亦類乎茄法華經言佛說法時天雨曼陀羅花蓋梵

語也。

菊花

菊本作一名節華又名女華傳延年陰成更生朱羸  
女莖金蕊皆菊之總名也春夏秋冬俱有菊究竟開  
於秋冬者為正以黃為貴自淵明而後人多踵其事  
而愛之如劉蒙泉菊譜遂有一百六十三品范至能  
史正志馬伯州王蓋臣皆有譜其名目至三百餘種  
要知地土不同命名隨意儘有一種而得五名者如  
藤菊一丈黃枝亭菊棚菊朝天菊是也一種而得四

名者九華菊。一笑菊。枇杷菊。栗葉菊是也。有一種而得三名者。水仙菊。金盞銀臺。金盃玉盤是也。一種而得雙名者。如金鈴菊。亦名塔子菊。若此類者甚多。難以盡錄。今存其舊譜之名。一百五十三品。於後已足。該菊之形色矣。其中或有重複。賞鑒家請再裁之。至於栽培之難。惟菊為甚。今特詳考其法。以公同志。良具苦心。凡菊苗俱在清明後。穀雨前。將宿本分種。以肥土壅之。則日後枝梗壯茂。初栽不可見日。先乾三日。後隔二日一澆。再後六七日澆。其性喜陰燥而多。

風露之所。若水多則有蟲傷濕爛之患。小滿時每日須看捉剪頭蟲。紅頭黑身。在辰巳。若被菊虎咬過其頭。見日即垂視其咬傷處。去寸許。即搗去無害。遲則生蟲為後之患。又有細蟻侵蛀菊本。須用魚腥水洒其葉。或澆土則除。若蚯蚓地蠶傷根。權以石灰水灌之。自死。速將河水連澆以解灰毒。若黑蚰瘡其枝。以麻裹筋頭。將之則出。若象幹蟲。似蚕青虫。食葉須早起。以針尋其穴。刺殺之。蚱蜢亦善食葉。皆當捉去。苗長至尺許。每本用堅直小籬竹近插之。以軟草寬寬。

縛定使其幹正直且無風折之患葉不可沾泥有泥  
 卽瘁如雨濺泥汗卽將清水洗淨用碎瓦片蓋其根  
 上則葉自根至上長青葉勁而脆不可亂動四月中  
 摘去母頭令其分長子頭每本留三四頭肥大者留  
 五六以防損折接菊亦在此月夏至時用濃糞澆之  
 夏至後止用雞鷲毛湯并繅絲水或鮮肉汁或菜餅  
 屑水澆之三伏天止用河水若澆糞必籠頭初發蕊  
 時每枝止留一二恐葢多力分則花不大結蕊後須  
 五日一澆肥糞已開又不可澆肥開時或有力不足

者磨硫黃水澆根經夜卽發至於美種難得可用打  
 接法自五月間扞接後不可一日失水并不可見日  
 便易活有花一種單葉紫莖開黃白小花氣味香甘  
 者名茶菊雖不足觀泡茶入藥所必需花殘後卽當  
 拔去竹桿折去花餘止留老本寸許善護其苗每本  
 插一小牌上寫花之名色來春分種庶不差失冬月  
 用亂穰艸蓋之不遭霜雪交春芽肥力全此養菊之  
 要訣也菊有五美圓花高懸準天極也純黃不雜后  
 土色也早植晚發君子德也冒霜吐穎象貞質也盃

中體輕。神仙食也。昔陶淵明種菊於東流縣治後。因而縣亦名菊。

附菊釋名 共一百五十三種

黃色 計五十四品

御袍黃

淡黃葉有五層

報君知

霜降前開黃赤

金鎖口

背深紅而黃瓣展內紅外黃

金孔雀

千葉深黃赤心

赤金盤

老黃赤心多葉

龍腦

外淡內深香烈似龍腦

繡芙蓉

重蜜色淡紅心

黃都勝

千葉圓厚雙紋

大金錢

一葉一花自根開起

剪金黃

深黃千葉如剪

黃牡丹

千葉豐滿紅黃

金鈕絲

瓣上起金黃絲喜肥

黃臘瓣

千葉淡黃長肥

黃羅傘

深黃葉垂喜肥

荔枝黃

千葉紅黃狀似楊梅

金鈴菊

千葉細花長丈

蜜綉毬

葉圓轉如毬

枝亭菊

即藤菊一丈黃細菊

蜜西施

多葉嫩黃色

蜜蓮

葉長大有似蓮瓣

蠟瓣西施

似西施而色老

瓊英黃

千葉鶯黃色

棟棠菊

多葉而色深黃

冬菊

多葉深黃色其開最晚

太真黃

千葉嫩黃畏肥

黃鶴領

千葉參差多尖

木香黃

多葉細花淡黃微卷

鶯乳黃

花頭小而色淡

勝金黃

焦黃多葉青心

黃佛頭

無心中有細瓣高起

黃粉團

千葉中心微赤

鄧州黃

重黃單葉雙紋

笑靨

即御愛黃葉上有雙紋

金芙蓉

千葉頭喜肥

小金錢

類大金錢而心青

蜂鈴

多瓣深黃圓小中有鈴葉

繖蓋黃

金黃柄長而細

鴛鴦金

花朵雖小皆無帶生

波斯菊

瓣皆倒垂如髮之鬚

喜容

皆色千葉皆高起

添色喜容

中心深紅

鴛兒黃

花細如毛葉起雙紋

金纓絡 千葉小 黃疊羅 似佛頂 差小 甘菊 單葉小花 香烈而味甘

檀香毬 色老黃 形圓轉 大金毬 深黃色 瓣反成毬 五九菊 有白 鶯黃二色 夏秋二度開

金絡索 千葉卷 如玲瓏 垂絲菊 蕊深黃色 枝柔細如垂 絲海棠 大放則淡黃色

二色瑪瑙 金紅淡黃 二色千瓣 滿天星 雖係下品 如春苗發 摘去其頭 必歧出 再摘又歧 又摘至秋 一幹數千百朵

白色 計三十一品

九華菊 此淵明所賞鑒者 越人呼為大笑菊 花大 心黃白 瓣有潤 及一寸半者 其清香異常

玉毬 即粉團 與諸菊異 初色淺黃 微帶青 全開純 白色 形甚圓 香尤烈 經霜則變紫色 近年有

水晶毬 初微青 後瑩白 其嫩瓣細 而其 中微有黃 葉先 福薄 後瑩 泛葉稀 而中青 其幹最長

徘徊菊 黃心 色帶微綠 瓣有四層 而初開 只放三 四片 及開至旬日 方能全舒 故名徘徊

白佛頂 單葉大黃 心喜肥 白鶴領 葉小 下 垂喜肥 玉玲瓏 初青黃 後白 花先仰 後覆

青心白 千葉 有青心 蘸金白 每瓣邊 有黃色 金盞銀臺 外單葉 中筒瓣

白牡丹 千葉中 葦青碧 萬卷書 千葉皆 卷轉 瓊盆 闊瓣 黃心 有似白佛頂

白木香 千葉 細花 黃心 瑤井欄 如銀臺 微大 白綉毬 花抱蒂 而圓大有紋

疊雪羅 千葉 蓓蕾難開 銀鈴菊 千葉中 皆細鈴 銀盆菊 鈴葉 下有 潤瓣 承之

靈根菊 多葉 白而疎 醑醑白 出相州 有熊 瓊芍藥 千葉 花高 起難植

試梅粧 小白花 似梅 玉蝴蝶 小白花 味甘 碧蕊玲瓏 千葉 深綠

一拿雪 瓣長 茸白無心 新羅 花葉 尖薄 長短相次 換新粧 千葉 圓瓣 經霜 便紫

樓子菊 層層狀 如樓子 白剪絨 純白 如剪鬚毛 劈破玉 每瓣 有黃紋 如線 界為兩

八僊菊 花初青白後粉紅色一花多八蕊葉尖長而青

紅色 計四十一品

鶴頂紅 粉紅葉大紅心 茵苜紅 千葉粉紅黃心 火煉金 殷紅色多葉金黃心

紅綉毬 葉圓似毬喜肥 紅粉團 淡紅瓣短多紋 錦鱗鮮 紅花黃邊最晚開

荔枝紅 千葉紅黃心 賓州紅 以地名重紅心 醉瓊環 似楊妃粉有垂英

胭脂紅 其紅勝胭脂 狀元紅 千葉深紅喜肥 粉西施 千葉色最嬌畏糞

大紅袍 千葉大紅無心 瓊環 千葉粉紅心 垂絲粉 淡紅色葉細如茸

勝緋紅 多葉淡紅色 銀紅絡索 千葉尖瓣 縷金粧 深紅瓣中有黃線紋

金絲菊 紅瓣上黃絲 錦荔枝 多葉金紅色 賽芙蓉 粉紅色花最大喜肥

勝荷花 花瓣尖潤似荷 海棠春 重紅瓣短多紋 晚香紅 千葉粉紅開獨大

嬌容變 千葉先淡後深 太真紅 千葉嬌紅無心 醉楊妃 淡紅色垂英似醉

一捻紅 花淡有深紅點 錦雲標 紅黃相錯如錦 二喬 一瓣上開一瓣下開

川金錢 花小而深紅 猩猩紅 色鮮紅耐久 襄陽紅 魚蒂雙頭出九江

紅羅織 深紅千瓣 海雲紅 初殷紅漸金紅後木紅

紅萬卷 深紅千瓣 佛見笑 粉紅千瓣 粉鶴翎 開則四面支撐後漸白紅絲葉青而潤

鰓繡口 外深紅大瓣一二層中筒瓣突起初青後黃筒之中嬌紅而外粉筒口金黃如錦

桃花菊 多葉至四五重其色濃淡在桃杏紅梅之間未霜即開最為妍麗中秋後便可賞也

十樣錦 一本開花形色各異或多葉或單葉或大或小或如鈴往往有六七色紅黃白雜樣者



紫色 計二十七品

腰金紫

千葉中 有黃紋

紫霞觴

葉厚而大如盃

紫芙蓉

開極大但葉尖而小

紫絨毬

花片細而圓厚

紫燕桃

茄色中濃外淡

紫袍金帶

黃蕊繞於花腰

剪霞綃

葉邊如碎剪

瑞香紫

淡紫重葉小花

紫羅傘

瓣有羅紋細葉宜肥

瑪瑙盤

淡紫大花赤心

紫萬卷

千葉微卷宜肥

雞冠紫

千葉高大而起樓

墨菊

千葉紫黑色黃心

早蓮

潤瓣銳頭似蓮葉

夏紫

五月即開紫花心黃而大

碧蟬菊

色微青宜輕肥

銷金北紫

葉小黃心

葡萄紫

色深千葉不宜糞

紫牡丹

花初開紅黃間雜後粉紫瓣此大而整齊開遲

紫雀舌

初淡紫後粉白色

刺蝟菊

花如兔毛朵團瓣如蝟之刺大如雞卵葉長而尖

金絲菊

紫花黃心以蓋得名

碧江霞

紫花青蒂蒂角突出外小花花之異者

荔枝紫

花色如荔枝形正而圓

雙飛燕

每花有二心瓣斜捲如飛燕之翅

紫芍藥

先紅後紫復淡紅變蒼白

順聖紫

花不過六七葉每葉盤

有菊之名而實非菊者另列於後以便參考

藍菊

ムラサキキク

藍菊。產自南浙。本不甚高。交秋即開。花色翠藍。黃心。似單葉菊花。但葉尖長。邊如鋸齒。不與菊同。然菊放時得一二本。亦助一色。

萬壽菊

萬壽菊。不從根發。春間下子。花開黃金色。繁而且久。性極喜肥。

僧鞋菊

僧鞋菊。一名鸚哥菊。卽西番蓮之類。春初發苗。如蒿艾。長二三尺。九月開碧花。其色如鸚哥。狀若僧鞋。因此得名。分栽必須用肥土。以其性喜肥。

西番菊

西番菊。葉如菊。細而尖。花色茶褐。雅淡似菊。之月下西施。自春至秋。相繼不絕。亦佳品也。春間將藤壓地。

自生根。隔年絕斷。分栽卽活。

扶桑菊

扶桑菊。花似薔薇。而色粉紅。葉似菊。而枝繁。

雙鸞菊

トリカブト

雙鸞菊。一名烏啄花。發最多。每朵頭若尼姑帽。折出此帽。內露雙鸞竝首。形似無二。外分一翼一尾。天巧之妙。肖生至此。春分根種。根可入藥。

孩兒菊

孩兒菊。一名澤蘭。花小而紫不甚美觀。惟嫩葉柔軟。

而香置之髮中或繫諸衣帶間其香可以辟炎蒸汗氣婦女多佩之乃夏月之香艸也其種亦有二紫梗者更香

蘭

蘭一名水香一名都梁香葉與澤蘭相似紫梗赤節高四五尺其葉光潤尖長開白花喜生水旁故人多種於庭池可殺蟲毒除不祥著衣書中能辟白魚蛙

白芷

ヨロヒクサ

白芷一名茝一名莞一名澤芬香草也處處有之吳

地尤多枝幹不盈尺根長尺餘粗細不等春生下濕處其葉相對婆婆紫色潤三指許花白而微黃入伏後結子立秋後苗枯採根入藥名香白芷葉可合香煎湯沐浴謂之蘭湯

零陵香

零陵香一名薰草產於全州江淮亦有不及湖嶺者佳多生下濕地麻葉而方莖赤花而黑實其身如麝蕪七月中旬開花香盛因花倒懸枝間如小鈴俗名鈴鈴香其莖葉曝乾作香其實黑左傳云一薰一蕕

十年尚猶有臭。卽此草也。土人以編席薦。性暖且香。最宜於人。

### 蘼蕪

蘼蕪一名江離。卽芎藭苗。乃香草也。葉如蛇床而香。七八月開白花。其根堅瘦黃黑結塊如雀腦者名芎藭。以川中產者入藥爲良。江浙亦有之。

### 芭蕉

芭蕉一名芭苴。一名綠天繫草。本高有二三丈許。大有一圍。葉長及丈。闊一二尺。舒一葉卽蕉一葉而不

落花著莖末大如酒盃。形色紅如蓮花者名經蕉。白如蠟色者名水蕉。其花大類象牙故名。牙蕉自中夏開至中秋方盡。子各爲房。實隨花長。每花一闔各有六子。先後相次。惟產閩粵者花多。實名甘露。味極甜美。子不俱生。花不俱落。子有三種。生時苦澀。熟則皆甜味。如葡萄。可療饑渴。羊角蕉子大如拇指。長六七寸。銳頭黃皮。味亦甘美。牛乳蕉子類牛乳。味微減。一種子如蓮子。形正方者。味最薄。只可蜜浸爲點茶之用。種法將至霜降。葉萎黃後卽用稻州裹幹。來春芽

發時分取根邊小株用油簪脚橫刺二眼令洩其氣終不長大可作盆玩性最喜愛不必肥其莖皮解散如絲績以為布即今蕉葛

### 美人蕉

美人蕉一名紅蕉種自閩粵中來葉瘦似蘆箬花若蘭狀而色正紅如榴日拆一兩葉其端有一點鮮綠可愛夏開至秋盡猶芳堪作盆玩亦生甘露子可以止渴福州者四時皆花色深紅經月不謝廣西者本不高花瓣尖大紅色如蓮甚美二月下子冬初放向陽處或掘坑埋之如土乾燥則潤以冷茶來春取出則根自發若子種不如分根當年便可有花又一種膽瓶蕉根出土時肥飽狀如膽瓶也

### 千日紅

千日紅本高二三尺莖淡紫色枝葉婆娑夏開深紫色花千瓣細碎圓整如毬生於枝杪至冬葉雖萎而花不萎婦女採簪於鬢最能耐久畧用淡礬水浸過晒乾藏於盒內來年猶然鮮麗子生瓣內最細而黑春間下種即生喜肥

香菜

香菜即香薷一名蜜蜂草方莖尖葉有刻缺似黃荆葉而小九月開紫花成穗有細子汴洛人三月多作圃種之以為暑月蔬菜生食亦可又暑月要藥

紫艸

紫艸一名紫丹又名此葵生碭山南陽新野及楚地其苗似蘭香莖赤節青二月開花紫白色結實亦白惟根色紫可以染紫三月內種宜軟沙高地性不喜水耨種悉如治稻法其利倍於藍收時忌人溺及驢

馬糞并烟氣能令色黯

蓼花

蓼辛草也有朱蓼青蓼紫蓼香蓼水蓼木蓼馬蓼七種惟朱紫者葉狹小而厚花開蓓蘖而細長約二寸許枝枝下垂色態俱妍可為池沼水濱之點綴若青蓼香蓼可取為蔬以備五辛盤之用至於馬蓼水蓼止可為造酒麴中所需并入藥用木蓼考見前

蘆花

蘆一名葭生於水澤葉似竹箬而長幹似竹長丈許

有節無枝。葉抱莖而生。花似茅。細白。作穗。根亦似竹。莖而節疎。深秋花發。時一望如雪。春取其勾萌。種淺水河濡地。即生。

馥草 コシヤ

馥草。即玄參。葉似芝蔴。又如槐柳。青紫細莖。七月開花。青碧色。隨結黑子。亦有白花。莖方大。紫赤色。而有細毛。其節若竹。高五六尺。葉如掌。大而尖長。邊如鋸齒。其根亦尖長。生青白。乾即紫黑。微香。可入藥。

番椒 トウカラシ  
オウライコセウ

番椒一名海瘋藤。俗名辣茄。本高一二尺。叢生。白花。秋深結子。儼如秃筆頭。倒垂。初綠。後朱紅。懸挂可觀。其味最辣。人多採用。研極細。冬月取。以代胡椒。收子。待來春再種。

綿花 キワタ

綿花一名吉貝。葉如槿。秋開黃花。似秋葵。而小。植之者。幹不貴。高而喜繁。結實三稜。青皮尖頂。纍纍如小桃。熟則實裂。中有白綿。綿中有黑子。亦偶有紫綿者。性喜高坑地。以白沙土為上。未種時先耕三遍。至穀

雨時下種。先將子用水浸片時。漉起以灰拌勻。每穴種五六粒。肥須用糞麻餅。待苗出時。將太密者芟去。止留肥者二三苗。長成後。不時摘頭。使不上長。則花多綿廣。至於鋤草。須勤。白露後收綿。以天晴為幸。子可打油。葉堪飼牛。

### 禁宮花

禁宮花一名王不留行。又名剪金花。生泰山江浙及河近處。苗高七八寸。根黃色如薺。葉尖如小匙頭。亦有似槐葉。夏開花黃紫色。狀如鐸鈴。隨莖而生。結實如燈籠草子。殼有五稜。內包一子。如松子。圓似小珠。可愛。河北生者葉圓花紅。與此稍別。

### 著草

著草神草也。為百草之長生。少室山谷。今蔡州上蔡縣白龜詞旁有之。其形似蒿。作叢高五六尺。一本有二十餘莖。至多者四五十莖。生梗條最直。獨異於蒿。秋後有花。出於枝端。色紅紫如菊。結實如艾子。一云著草至百年則百莖共生。一根其所生之處。獸無虎狼草。無毒。齧上有青雲覆之。下有神龜守之。易取。五十莖。



為卜筮之用。搽則其應如响。產於文王孔子墓上者更靈。取用以末大於本者為佳。天子著長九尺。諸侯七尺。大夫五尺。士三尺。如無著草亦可以荆蒿代之。

細辛花 ヤミヌナ

細辛花出華山者良。一葉五瓣三開。花紅狀似牽牛。根可入藥。

通草花 アケビ

通草一名活菴。產於江南。木高丈許。葉如蓖麻。作藤蔓大如指。其莖大者徑三寸。每節有二三枝。枝頭出

五葉。六七月間開紫花或白花。莖中有瓢。輕白可愛。女工取以染色。飾物最佳。結實如小木瓜。核白瓢黑。食之甘美。或以蜜煎作菓。其花上有粉。能治諸蟲癩。惡毒。

蓖麻 トウゴ

蓖麻在處有之。夏生。苗葉似葎草而厚大。莖赤有節。如甘蔗。高丈餘而中空。夏秋間極裏抽出花穗。纍纍黃色。隨梗結實。殼上有刺。狀類巴豆。青黃斑褐點。再去斑殼中有仁。嬌白如續隨子。仁有油。可作印色。及

油紙用。

吉祥草 シラン

吉祥草。叢生長。日葉似蘭而柔短。四時青綠不凋。夏開小花。內白外紫。成穗結小紅子。但花不易發。開則主喜。凡候雨過分根種。易活不拘水土中。或石上俱可栽。性最喜濕。得水即生。取伴孤石靈芝。清供第一。

白薇 シロヒメ

白薇。一名春草。生陝西及滁舒潤遼等處。莖與葉俱青。頗似柳葉。七月開紅花。八月結實。根似牛膝而短。

可以入藥。

商草花 ハツユリ

商草。即貝母也。出川中者第一。浙次之。莖葉俱似百合花類。鋼鈴淡綠色。花心紫白色。與蘭心無異。根曰貝母。人藥治痰疾。

萬年青 オモト

萬年青。一名藍潤葉叢生。深綠色。冬夏不萎。吳中人家多種之。以其盛衰占休咎。造屋移居。行聘治壙。小兒初生一切喜事。無不用之。以為祥瑞。口號至於結

姻幣聘。雖不取生者。亦必剪造綾絹。肖其形以代之。又與吉祥草葱松四品並列盆中。亦俗套也。種法於春秋二分時。分栽盆內。置之背陰處。俗云四月十四是神仙生日。當刪剪舊葉。擲之通衢。令人踐踏。則新葉發生。必盛喜壅肥土。澆用冷茶。

千兩金

ホルトカクソウ

千兩金一名續隨子。一名菩薩豆。生蜀郡。處處亦有之。苗如大戟。初生一莖。端生葉。葉中復出葉。相續而生。花亦類大戟。而黃。自葉中抽幹。而開實。青有殼。人

家園亭多種之。

秘傳花鏡卷之五終

花鏡圖

蘭建



藥芍



蘭若



蘭歐



花鏡


卷五

五十四

蘭澤



丹牡丹苞荷



仙水



春長



豆紅




靨笑




粟罌



虞美人



草帶書



欄羅紫



羅春剪



山丹



花甲指



青蔓




蝶翅



鸞青



葵錦



香頭醒



鮮白



花陽落



葵菟



葵蜀



珠母王



花竹石



吉祥草



菖蒲



百合



艾



桔梗



萱花



鹿葱



玉簪





慈姑



地湧金蓮



芡



鳧葵



紅藍



鳳仙



雨久



荷花



若杜



花烟



明决草



夜落金錢



山薊




金燈



堦前草



菱花



草線金



棠海棠



丹牡丹



馨素



麻胡



蓮瓣一



藍花



金滴滴



菊



冠雞



羅陀曼



錦樣十



薺芫



香荷



秋葵



紗秋剪



雙鸞菊



西番菊



孩兒菊



扶桑菊



萬壽菊



藍菊



老少菊



野菊



紅日千



蕉芭



香菜



美人蕉



香陵零



香水




蕪蕪



白芷



花辛細



花官禁



草通



草著



花蘆



草紫




花綿



藜紅



萬年青



千兩金



白薇



商草



蓖麻



番椒





